

bin siech mit dem siechen. ich
 bin trurig mit dem trurigen.
 vñ han vröde mit den vröliche.
Also sont och wir enand min
 nen. dz wir lieb vñ laid mit
 enand tragēt. won des manet
 vns der selb hie sant paulus.
Vñ spricht. Ir sont vro sin mit
 den vrölichen. vñ trurig mit
 den trurigen. **A**l ir sehent ist
 mir an min hand we. den ser
 tragent allv minv lid. won
 dv hand ist des selben libes. ¶
Also sprach ich. Swel mensch
 d' cristenheit gelid ist. dem tvr
 we vñ wol des lid es ist von d'
 cristenheit. vñser hie ist d' cr
 stenheit hope. vñ ist dv cristen
 heit der lib. vñ ain ieglich mēt
 sche ist d' cristenheit gelid. ¶
Nu spricht sant paulus. Swem
 mit we tvr sines gelides ser. vñ
 sich mit vröwet sines elen mēt
 schen hailes. d' ist och mit ain
 gelid d' cristenheit. Swel mēt
 sche den nidig ist dz ernst och
 mit ain gelid vñsers herren.
Nu merke ain ieglich mēt

sche an im sellen. wie vil
 es sich vröwe ams andn
 hailes vñ gelökes. vñd tru
 rigen ain andn vnhailes.
 vñd vngelökes. als vil ist
 es ain gelid vñsers herren.
Swene nu vñser hie an
 dem iungsten tage sinv gelid
 sammert wirt vñ allen sine
 lip. so wirt d' nidig mētliche
 von im geschaiden. won er
 sin gelid mit ernst an d' min
 ne. ¶ **D**z duchte dar an man
 die mine sol zaigen d' elen
 mētlichen. dz ist dz ain iegli
 ches mit dem andern sol sin
 gv̄t taillen swa es sin bedarf
 also vil so es den mag. dz
 höret weldich lvt an. **A**ber
 wir gaischlichen lvtē sont
 och gaischlichen almosen ge
 len. dz wir vñs sont erlar
 men vber arm lvtē. vñ sōt
 in vñsren willen gen. dz
 wir in gv̄r notdurft lvtē
 tinte möhtint. wir vñ sont
 och got für sv̄ bitten. dz er
 si ergetzi vñs gebrestē mit